

八瓊室金石補正

八瓊室金石補正卷九十三

太倉陸增祥撰

男 繼輝校錄

吳興劉承幹覆校

宋 十二

浯溪題刻五十段

李曾伯題名 高三尺五寸五分廣二尺五行
行十字字徑二寸六分正書

河內李曾伯自桂易荆來觀賓客臨川羅亨祖清湘趙

畬夫管安昌清江李攀龍弟曾仕子杓姪口偕來淳祐

庚戌夏五十有四日

李曾伯題名正書五行在浯溪厓右攷宋史本傳李

曾伯字長懽覃懷人後居嘉興歷官通判濠州遷軍器監主簿添差通判鄂州兼沿江制置副使主管機宜文字遷度支郎官授左司郎官淮西總領尋遷右司太府少卿兼左司郎官兼敕令所刪修官遷太府卿淮東制置使兼淮西詔軍事便宜行之疏奏答天心重地勢協人謀三事又條上諸要務加華文閣待制又加寶文閣直學士進權兵部尙書淳祐六年正月朔日食應詔上言又請修復泗州城加煥章閣學士言者相繼論罷九年以舊職知靜江府廣西經略安撫使兼廣西轉運使陳守邊之宜五事進徽猷閣

學士荆湖安撫制置使知江陵府兼湖廣總領兼京
湖屯田使進龍圖閣學士本紀載其以徽猷閣學士
安撫荆湖於淳熙十年三月此題名刻於是年夏五
十四日蓋正曾伯自廣西移任荆湖道經浯溪時也
後又於寶祐中再知靜江今廣西臨桂有曾伯淳祐
寶祐開慶景定諸題名可證也明通志謂曾伯於嘉
熙間知岳州多善政而不及其安撫荆湖事攷史傳
未云知岳州恐誤清湘趙畬夫字俞仲管安昌字順
夫亦見臨桂題名據臨桂西山題名有云子杓姪根
侍則知此姪下磨滅一字當是根字耳史稱曾伯與

賈似道同官閫帥邊事知無不言爲似道所嫉卒不

竟其用云此刻前人未見

古泉山館金石文編

案今通志職官仍以李曾伯爲知岳州宜據史改

爲安撫使

凌攀龍題名

清祐十年十一月六日萃編已載

鏞鏐

缺鏐字

右凌攀龍題名正書七行在摩厓右厓下米黻題名前三上缺一字浯溪新志作時案長沙本星名見史記天官書厥後唐張守節正義及甘石星經有長沙一星主人壽命明則人長壽之說故後人遂稱長沙

爲星沙亦曰壽沙此題名云壽沙凌攀龍後長沙凌登龍一題名又云星沙凌登龍則知宋人已有是稱矣其云省兄宰浯溪當是後辛亥題名之凌登龍也

古泉山館金石文編

案鐐字省志誤作錄

永州府志

三吾上所缺縣志亦作時

凌登龍柯經等題名

高一尺八寸廣一尺七寸七分六行行十字字徑一寸五分餘

行書

星沙凌登龍廬山柯經新安程士甯春陵周邵虎邑事餘閒聯步縱觀維昔春和景明江山如畫一樽相對人

境俱勝真覽古之奇趣也
淳祐辛亥清明日

住山慧圓上石

此行小字

浯溪新志載此刻於明代末題
淳祐辛亥作宏治辛亥攷星沙
凌登龍見淳祐辛亥張仲題名
壽陵周邵虎有淳祐辛亥小憩
亭題記並在浯溪宏治辛亥係
明孝宗改元之四年事隔三朝
又相距二百餘年之久斷無同
貫同姓名如此之巧者其爲淳
祐辛亥之謠無疑今改正辛亥
係淳祐十一年也予遊浯溪搨
工偶遺此刻不能一審原文爲
憾事

古泉山館
金石文編

右凌登龍題名在岵臺右志載
誤勝爲清并脫上

石人名一行瞿氏宗氏皆未之見耳縣志亦作宏
治勝亦作清皆沿溪志之譌淳祐二字雖近殘泐
尙可辨識祐字尤較清晰瞿氏所改不誤矣凌登
龍通志人物有傳字顯夫善化人嘉定閒再舉進
士提刑趙汝謙案當作謙延直嶽麓書院累舉授廸功
郎調藍山簿轉零陵丞授祁陽令以疾辭廣西帥
姚希得辟爲柳州推官遷永州僉判封通直郎晉
承議郎卒於景定元年年七十一而通志職官未
載其名永志僅載其爲祁陽令而於零陵丞永州
僉判亦未之及皆漏也通志又載有僉判凌登龍

墓志額題宋僉判承議凌公之墓十字墓在石塘

金牌嶺蓋世居於斯者

凌登龍題名

二行行五字四字
字徑寸許行書

凌登龍口遊

子炳炎侍

右刻在趙善謫詩之左省府志均未載此刻無年
月卽系於此炳炎名見於登龍傳云子斯忠鄉貢
進士炳炎朝散卽是炳炎爲登龍次子

張仲題名

高二尺六寸廣二尺四寸六行
行八字字徑二寸五分許正書

海陵張仲丞郡二水以憲檄攝衡陽回舟訪古頌崖下

長沙凌登龍率邑僚來會徜徉竟日塵襟洒然淳祐辛

亥夏至前一日

右張仲等題名正書六行在摩厓石壁前壽沙凌攀
龍題名云因省兄宰浯溪此云長沙凌登龍率邑僚
來會則凌登龍當卽凌攀龍之兄而其時官祁陽者
縣志職官表失載

古泉山館
金石文編

右刻在小嵒臺東南省府志所載以誤作捧通志
職官不載張仲名

張仲詩

高二尺七寸廣二尺詩四行行八字字徑
二寸餘跋五行較小行字不一均正書

一年兩檄過浯溪

上唐亭□□□笑□興亡千古□

□□崖石與天齊

余今歲夏至後一日捧憲檄自衡陽攝郡回嘗會邑

僚于此冬至後二日又捧帥檄代庖桂陽挈累再游

小憩半日因書以記歲月皆淳祐辛亥十一月初六

日張仲書

右張仲詩正書詩四行跋五行字較小在摩崖壁間

前人未見

古泉山館
金石文編

省府志缺兩笑二字并脫一自字後二日下志作

復審之似是又字姑註於旁古字已磨滅

周邵虎小憩亭記

高二尺二寸廣二尺八寸十六
行行十三字字徑寸許正書

淳祐己酉春春陵周邵虎以□□權邑佐明季夏文昌

河內李公由桂帥制京湖道三吾駐舟崖下踰晤臺陟
笑峴徘徊半山間得地盈數尺大江帶其前奇石圭其
後脩竹古木且蔭且映公撫翫久之載色載笑曰是可
以小憩何不亭之明日祖別請名於公大書曰小憩既
名矣邵虎乃出綿力復得□僧慧圓相與樂成之又明
季冬邵虎得替東歸因援筆以紀亭之所由作□□者
觀李公之心畫會名亭之真旨竦而敬默而識將不特
爲溪山駐且當爲李公駐是亭也蓋此晤臺笑峴相刮
目而浯溪又添一段公案云

住山慧圓上石此

字小
正書

右小憩亭記行書十六行在摩厓左石壁下前人未見文中所云河內李公卽前李曾伯也曾伯自廣西經略安撫使移任荆湖安撫使知江陵府此云由桂帥制京湖不云荆湖而云京湖者曾伯是時又兼京湖屯田使也京湖者京西湖北二路也

古泉山館
金石文編

右刻在晤臺右道旁省府志載此缺以征權文者竦而刮目一段公案十三字及上石人名一行又誤蕙圓爲慧開心畫爲心盡名亭爲名山敬爲發默爲然將不爲將來茲悉校正之周邵虎前云權邑佐後云得替東歸是亦有職守者而官志不載

笑峴亭名熙甯間縣令蔡瓊所建在漫郎亭西南
晤臺之上卽元次山右堂之故址也小憩亭永志
宮室內失載碑書敬字不缺筆

張知復詩

高二尺二寸廣一尺五寸三分前後共五行行字不齊字徑一寸五分許正書

讀浯碑謾成一絕蜀人張知復

開元天子樂昇平肯向華清戒履冰縱有浯溪、上石
元郎何意頌中興

淳亥嘉平六日

住山□圓上石

六字小正書

右張知復詩在晤臺右前人未見淳亥淳祐十一年辛亥也張知復通判道州載永志而不詳其實

得此乃知爲蜀人通志職官失載

宜州司錄楊□□題名

高一尺廣一尺一寸六分七行行八字字徑八分許正書

□□楊□□先□永州□□以淳祐戊申□□□□之

役遂議涪溪真面目迨辛亥□由宜州司錄赴班驍舟

訪舊游盤旋兩日乃去男杭祖侍

右楊□□題名其名已泐前三行半已剝蝕宜州

今廣西慶遠府也宋爲宜州龍水郡此刻前人未

搜及

楊悽題名

高一尺四寸廣一尺一寸八分行行六字字徑二寸許正書

寶祐丁巳南至後三日眉山楊悽泊舟崖下來讀唐碑

右楊惔題名正書四行在摩厓巔岨臺之左前人未見宋史有楊揆傳初爲孟珙幕僚後登第以戰功升三官得心疾曾任潭州節度推官然其名从才又云臨川人未知是否

古泉山館金石文編

右刻在勝異亭後志載缺三字

王壺詩高一尺二寸二分廣一尺七寸詩存七行行七字字徑一寸二分末二行十字較小

□□□□□□□值淒涼八百秋入院伽藍先瞽首

題詩神鬼暗添愁幾章鐫石珠璣燦一帶臨江泉石幽

讀罷中興碑去後逢人便舉伴茶甌

春陵西山王壺漫記曾遊時寶祐丁巳仲秋上澣書

右王壺詩正書存十行在磨厓石壁首行一句爲後

人磨去改刻此刻前人未見

古泉山館金石文編

右刻在小崕臺下久爲土掩甲戌秋始得復顯於
世省府志逢誤作山茶誤作荃并未審出值字首
行刻活溪精舍偶成六字不知何人所爲

莊密節等詩

高一尺八寸廣二尺三寸
十四行行字不一

長沙莊密節全丁叔巖遊活溪各成四韻而密節併疥
諸壁皆珽祐丁巳良月也

元翁作頌魯公書峭壁雲煙萬古垂三絕堂前月浸碧
兩峰亭下艸生悲英風義概有存者流水高山誰會之

便使中原歸趙璧磨崖并勒中興碑

右密節詩

相去祁陽五里餘城山爲谷斷爲谿河南刺史老文學
石上真□健筆題風月滿堂無地着雲煙半壁與天齊
英雄說着唐朝事淚灑長安蜀道西

右叔巖詩

右莊密節丁叔巖詩艸書十四行在摩厓壁閒前人

未見珎古文寶

古泉山館金石文編

案瞿氏元缺二字今審出

金石審

通志缺城字永志補之不誤其所補真下之卿字

則以意增入石已全泐矣又石本泐字已泐偏旁
三絕堂皇祐初縣令齊術所建孫適爲之記兩峰
亭元次山建三絕堂記云次山去道州卽家溪上
作亭二峰垂三百年碑缺亭圯卽詩所稱兩峰亭
也丁巳爲寶祐五年良月爲十月

楊惔再題殘刻

高廣不計存二行六字
字徑二寸五分許行書

寶祐六

下楊惔歸舟

右楊惔歸舟殘題在余靖題名右前半及下俱爲明
人磨去改刻止存二行六字正書前人未見

古泉山
館金石

文編

志載缺六字字甚明顯瞿氏所見或拓本偶模蝕耳舟字未見亦爲橫板所掩也又案石刻係行書

瞿氏誤

趙汝諱詩殘刻

高二尺廣二尺七寸十行行存六
七字不等字徑一寸三分正書

^上趙汝諱行部至永

^缺來四明林國樵

^上同孫陳士英

^醫崇□崇龔侍行

^缺蒼厓插浯溪清漲濕元頌費墨今屋

高千年此安用

^鯨

翻天寶末雲游朔方衆還都迎上

皇嗚咽抱餘痛

^{兩宮}

重宴樂萬國盡朝貢當時記成

功小雅

^見微諷

^{顏公發}

勁畫金玉相錯綜我於碑刻

間衆羽得

^孤鳳

^{艱危人物}

金石錄卷之三
難忠烈鬼神重摹取桂野堂

英氣凜生棟

一
希古樓刊

右趙汝諧殘詩刻前人未搜及上截爲後人磨去
每行缺十四字詩後似尙有一行不可辨矣通志
山川永志名勝均載此詩石本所闕据以補注之
案汝諧以行部至永則是官湖南提刑者通志職
官理宗朝趙汝諧任湖南路提點刑獄其字作謹
與石刻異檢閱宋史字亦作謹宏簡錄又作儻汝
諧爲汝談之弟宗室表談作淡謹又作鑑此据明板宋史
未知殿板誤否以石刻證之皆誤也諧與謹同見集韻史
傳故作謹然未得實宗室表別有一汝謹商王後

不忌之孫善繼之子此汝謚爲不忌之孫善臨之
子汝談之弟二人不得溷也表載汝謚之子崇陶
崇龔此刻崇龔名具在則此題詩者爲善臨之子
無疑崇龔上所缺必是陶字史傳誤右旁表誤左
旁宏簡錄則沿傳之誤而又誤言旁爲人旁也非
得石刻烏由折衷一是故雖殘泐不見年月而姓
名具存足以攷正傳表如此汝謚字蹈中累官至
江西提刑平反徐氏殺婢冤坐幸氏罪幸氏走告
中宮徙湖南嘗表直臣龔夬墓懲豪民羅氏奪田
遷知温州改漳州卒汝謚官湖南提刑傳不詳其

何年通志列理宗朝俞掞之前當自本舊志定之
必有可据此刻年月已缺可卽次於俞掞詩刻之
前又通志載龔夬墓石列於政和年蓋以夬之卒
年定也竊意墓石之刻當是汝謐所表宜移次於
理宗時又趙士圖妻曹氏誥詞湘僑聞見偶記以
爲宋末人已言其誤矣以此測之汝謐卽士圖之
曾孫或誥詞下載有汝謐跋語宋末之說非盡無
因特宋末所刻非宋末之人耳因跋此詩并附及
之

俞掞等詩

高二尺四寸五分廣二尺九寸
前後共十四行行字不一正書

大唐有頌到涪溪翠蘚蒼崖古畫垂西望函關今萬里
淡煙斜日幾荒碑宋朝一統舊山川南北中分已百年
壯士不須誇此頌健提椽筆上燕然

景定壬戌仲春廣信俞掾呂憲節行部過此因賦兩
絕檢法天台趙與儻偕行

與儻幸侍

輶車敬贅

韻嚴
與儻頓首百拜

男兒有志竟成事好把功名竹帛垂今日與圖當混一
誰能重拭□□碑
細把中興唐頌看玉環遺恨記當

年自從擁馬回靈武整頓乾坤豈偶然

卽事口占

生平夢不到浯溪此日欣從使者來天放一晴舒眼界
大江橫上入樽罍

俞掞趙與儻詩共十四行正書前後大小不齊在浯
溪厓上攷與儻乃集慶軍節度觀察留後南康郡公
惟能之七世孫秦王德芳之後見宋史宗室世系表
此刻前人未見其云憲節行部前鍾有大澹山巖題
名云繡使俞計院則掞必荆南提點刑獄之官而志
皆不載趙與儻自署其官曰檢法攷宋制提刑有檢

法官一員則與儻乃挾之屬官而隨行者也故有幸

侍輅車之語

古泉山館金石文編

山川二志均誤作江山韻嚴二志均作嚴韻石本
實作韻嚴也通志名宦俞珍永豐人提刑荆南湘
人爲立廉吏碑疑珍卽挾之誤也

文有年詩

高二尺七寸廣二尺三寸九行行十四字
字徑一寸五分許年月姓名一行十五字

正書

題元子故宅

漫郎百事皆漫爾獨有溪山認作吾念無一物鎮泉石
生怕偃蹇羞吾徒靈武中興功掛絕天地大義湏人扶

甯將善頌寓謠諫百世聞之立懦夫太師勁氣形於筆
二美能兼自古無後來衮衮下注脚讀者消弱次石湖
松煤狼籍楮山赭空谷雷響工傳摹徘徊熟玩長太息
世道日與湘流俱

宋景定壬戌三月上七日眉山文有年

右文有年詩正書九行在摩厓壁上前人未見

古泉山館

金石文編

蓋省府志作着上作十湘流永志作瀟湘均誤又
此刻共十行瞿氏誤作九行上七蓋卽上旬之七
日僅見於此通志職官文有年理宗朝判永州又

案此詩別有模刻一本亦在浯溪崖上行款無二字形較大世道之世作戈殊不類也然原刻曼患賴以補之識之以告來者

吳文震詩

高二尺二寸廣一尺八寸九行行十四字字徑一寸五分後五行較小正書

景定初元汎虜氛掀天功業掩前聞扶唐社稷郭中令造漢乾坤賈冠軍好激浯溪湔舊案重磨崖石紀元勲
僕今已辦湘山刻未遜聲翁星斗文

景定壬戌孟夏朔清湘郡丞南海吳文震泐檄長沙校文艤舟崖下讀唐宋二頌喜今日中興未幾而復瀘川東復漣水南交修貢北狄請和此一統之機也

已勒頌于湘石因賦之

右吳文震詩在中興頌之上前人未見辛未冬碑
估袁裕文自金陵來湘因令往祁搜剔乃拓得之
吳文震有元石詩刻錄後彼刻自署權郡蓋以承
權守也清湘今之全州文有云西復瀘川東復漣
水南交修貢北狄請和此一統之機也攷景定二
年十月呂文德復瀘州外堡擬對江壘石爲城以
作持久之計三年正月改瀘州爲江安軍獎立功
參贊將士職秩犒賞有差所謂西復瀘川也二月
李璫以漣海三城來歸并獻山東郡縣詔授保信

甯武兩軍節度使督視京東湖北等路軍馬封齊
郡王復其父全官爵改漣水爲安東州升東海縣
爲軍所謂東復漣水也六月安南陳日照表乞傳
國於其子威見詔授靜海軍節度觀察處置使檢
校太尉兼御史大夫上柱國安南國王賜號効忠
順化功臣并金帶器幣鞍馬所謂南交修貢也史
系於六月而此題在四月已敘及之者國使過永
尙在三月時耳至所稱北狄請和者殆卽景定元
年七月忽必烈遣郝經持書申好來告卽位一事
也然二年七月劉整反叛北降北人愈易宋矣

蔣孝忠詩

高一尺二寸廣二尺四寸詩八行行七字
字徑一寸二分後七行行八字較小正書

好山好水占浯溪中直磨崖一片碑試問天齊齊幾許
從他元子賸夸毗我宗中原二百州版圖漸入掌中收
只今更辦河清頌勒向燕然最上頭

景定壬戌長至日東陽蔣孝忠成滿湘源舟行浯水
領客登臨謾題二詩以識歲月許子善李公恕許浩
然偕行子佛老姪孫光大伯大侍

右蔣孝忠詩在中興頌之上前人未見亦袁裕文
所接得者湘源今全州地

王鴻孫等題名

高一尺三寸七分廣九寸六分六行
行十字字徑七八分另上石一行行

書

景定癸亥中秋日邑令東萊王鴻孫佐官富水何端方
未江曾應元敬循舊典延至父老酌以金罍勉之種麥
因得閑步遍觀溪山約而不至者宜春施浩也

住山宗紹上石

此行小字

右刻行書七行文子璋題名卽刻其上幸不損字瞿
木夫亦失採也

金石審

右王鴻孫等題名在摩厓左通志失載永志載此
誤王爲黃種得二字亦未審出據石正之王鴻孫
諸人通志職官失載永志自表據此刻增補而僅

列王鴻孫一人並誤作黃餘俱不列何邪以敘次
度之何端方爲丞曾應元爲簿

趙崇□

殘題名

高一尺一寸五分廣五寸三
行行八字字徑八分正書

前缺不
知幾行

□

□

□

□

崖石幕客

趙崇

□

從

行

景定癸亥秋

仲望

下缺

右刻前人未見亦海琴所搜拓者前缺惟趙崇□

名獨存卽以題之上方亦有殘刻僅初王二字爲

明顯下方有玉坡二分書再下有正書二行題右

桂靜山邱定應寶□書雲□□□□家□官來游

二行中間云有小正書一行惟丙辰□月重來字

可辨

戴煜詩

方一尺五寸七行前三行九字十字後四行七字字徑一寸四分正書

斷崖文字是唐碑無限名賢贊頌詩莫把中興□前代

會湏重見太平時

景定癸亥仲冬旦君山戴煜明夫偕何翼鳳祥父同

遊口占以紀歲月云

右戴煜詩前人未見在狄青題名之旁亦袁裕文

所搜得者

劉錫詩

高一尺九寸廣一尺六寸七行行十字字徑一寸二三分行書

景定五年冬十有一月壬辰永嘉劉錫自濂溪來偶題

子思思侍時大雨雪偕行吳宗玉劉元禧

興廢由來只靠天三郎往事亦堪憐湘江直下浯溪上

翁霍于今五百年

右劉錫詩行書七行在磨厓石壁前人未見

古泉山館金石

文編

此刻在柳明明心記大押字之左肩

金石審

劉元禧道州人咸淳十年進士攷景定元年褒獎

賈似道賜金器幣遣國子劉錫趣召赴闕未審卽

此劉錫否

文子璋詩

高三尺四寸廣一尺五寸詩五行行廿三字款二行行十四字字徑一寸餘正書

漫郎直筆

老文□太師□字尤卓犖天然二妙刻蒼崖

墨本傳來重和璞三年流客居瀟嶷甚欲一來觀此碑

盡被前賢剛說破手磨苔刻難爲辭爲子從來止於孝

古以敝蹤匹天下□□神武妖氛清南內淒涼淚血灑

一時大業中興唐萬世□□虎狼從今罪案休拈起

祇挹□□與元郎

歲景定甲子仲冬壬寅蜀東文子璋百

瀟溪來遊男起傳道傳侍

右文子璋詩正書十行在柳明明大押字之左前人

未見古泉山館金石文編

案此刻在心記左脇忠孝以下七字今始審出其字
行楷非正書也八行瞿氏誤作十行金石審

尤卓犖上通志全缺永志補忠孝人水部一文七
字諦審再四殊不爾爾蓋漫郎直筆老文□太師
□字尤卓犖也文下似是詞字字上似是結字顧
未敢遽定恐蹈宗氏之覆轍耳然非宗氏補此數
字則亦幾忽略過之益歎審視石刻不厭煩數也
墨本前賢四字二志均缺永志蹤誤作蹤又石刻
七行通志作十行固誤永志作八行仍不免於誤
矣甲子爲景定五年

胡起華題名

高一尺二寸廣五寸三行
行八字字徑一寸許行書

岳□木民胡起華來觀元顏之詞翰咸寅清明節題□

芝□侍

右胡起華題名在江無□詞刻之左跋語之下咸

寅蓋咸淳丙寅爲二年也前人未見

楊恪題名

高一尺三寸八分廣七寸三行
行七字字徑一寸六分許正書

咸淳戊辰元夕後二日眉山楊恪□□裘□子□□

壬申十月海琴搜得拓贈

楊履順等題名

咸淳四年八月
萃編已載

姪簪孫

缺簪
字

右楊履順題名行書五行在摩厓左壁涪溪新志廬誤作零門誤作南脫孫字來誤作永益誤作如山古泉館

金石文編

案楊履順巨源之後時守永州金石

永志楊履順知永州在趙與訕前而通志均失載

縣志沿溪志之誤

李祐孫詩高四尺五寸廣三尺七寸十行行字不一字徑三寸許正書時涉行體後三行行書

小較

明皇何以致顛危林甫國忠成禍基妃子良心猶不悞此機惟有九齡知涪溪崖石與天齊兩刻中興大業碑

北向幾多垂白叟百年不見漢官儀

廣平李祐孫乙卯冬侍叔父赴零陵郡次年元旦舟泊浯溪嘗和館人韻後十五年咸淳己巳復於元旦寓宿爲感慨之餘追憶前和因書于獨有堂遺主僧宗紹以誌吾曾時偕行者相臺戴希禹

浯溪瀟湘之勝舟車之會凡登臨重感慨泉石云乎哉因舊規而日葺以存古紹兄其勉之偶有餘紙併述溪聲

右李祐孫詩正書十行後又有行書三行字較小似別是一人之詩敘而詩已爲後人磨去并不知姓名

矣在摩厓左壁前人未見

古泉山館金石文編

省府志缺危字幾多字補之幾多二字獨用艸體何也良心之良石刻似食字姑從其舊碑字末筆特長占三格希禹之希志作芾審之是希字後行書三行緊接禹字之下且云偶有餘紙則似非別一人之詩敘也而曰二字志均缺并誤以爲一字云字聲字已泐則据志錄之文云乙卯冬侍叔父赴零陵郡叔父當是李芾時以安撫司幕官討盜至永或在知永州之時咸淳己巳復來或在芾爲提刑之時芾子名裕孫見宋史本傳祐孫必其昆

弟行故知爲帝之從子也

江瓊詩下截失拓高三尺廣一尺八寸
十行行三十字字徑寸餘行書

元水部磨崖碑爲唐中興作也唐事已矣而碑

崖□□獨存本朝諸賢相與題詠如張宛邱時

有遊人打碑賣之句古一言□□□□□□不

已況今打碑賣者壹豈漫郎宅畔零陵諸孫自

爲之□□□□□也感天寶之駿功嗟次山之

墜緒因借宛邱所實□□□□□□

淒涼渚水跡如掃漫郎宅荒崖畔艸雨淋日炙山骨癯

磨得人閒歲月老粵從天地開闢來經濟何代無奇才

若得高名爛青史底恨白骨埋

黃埃孽臣過將

亂國紀

郭公千載凜不死紀在中興第一功三絕甯論文與字
吁嗟古往而今

來揮天何寥無石崖兩京未復百戰罷

銅鉤荆棘誰能開世事

輪雲可悲慨文

學老生品何在

君不見零落寒溪幾世孫自打元家古碑賣

咸淳六年立秋日天台江瓊彥藻因攝令祈陽

書而錢

之崖石

右江瓊詩行書十行字多漫漶在磨厓左壁浯溪志

輪雲誤作浮雲老生誤作老成

古泉山館金石文編

省府志所載缺因借宛邱之因并誤未復之復爲

須縣志載此詩以江瓊爲明人殊誤又輪雲作浮
雲生品作成亦祈陽志作祁陽而石本實作祈當
是刊刻之譌此本每行失拓六字下載字亦多漫
漶據志錄入而碑下似是歸字姑從志作崖江瓊
名官表失載此云攝令而其本職莫可攷矣宛邱
指張耒也號文潛宣和時監南嶽

穆演祖題名

一行存九字字
徑寸許正書

缺上
午秋九峯穆演祖來觀

右題名在楊冀詩刻之右上角前人未見案通志
職官恭帝朝有穆演祖任衡陽尉名宦傳引一統

志穆演祖天彭人爲衡陽尉元將兀良哈解自雲
南大理入廣南道其先鋒破永州衡守令聞之皆
走時演祖戍石灣聞難馳入城收散亡以守俄而
兀良哈解兵大至進駐青草灣欲絕湘夾攻演祖
提兵江東岸楊林廟相拒七晝夜募死士沈所聚
舟兀良哈解遁去城賴以全攷德祐二年元置永
道二州安撫司則元之陷永州演祖之守衡州當
在其時此題名午上所缺當是庚字咸淳六年庚
午也題名時或未爲衡陽尉不可知矣

嚴應卯等題名

高二尺五寸廣一尺五寸五
行行九字字徑二寸許正書

咸淳庚午霍□□□定□□□晉陽□長□浯溪寄單
中宮觀勝槩者數日園中嚴應卯赴南宮偕行九月一
日題

右刻在柳明明心記大押字左其前爲後人磨去改
刻止存此行紀年無攷似是宋刻前人未見

古泉山館金石

編文

此刻在心記左肩其字剝蝕處可辨者尙有浮溪子
刻數字寄單爲釋子語則必僧筆也

金石審

右題名在文子璋詩刻之上通志缺前二行永志
補延勝□浯四字於溪上惟浯字不誤其所謂浮

溪子數字者尙在此題名之右也字形小大懸殊
當是別一刻耳

黃及翁詩

高二尺廣一尺五寸詩四行行八字字徑二寸餘款三行行九字字徑一寸二分正

書

漫郎文體魯公書鑿斷雲根作古碑萬古李唐興替在

到今人愛看悟溪

借韻

此二字較小

臨江後學瀟泉黃及翁偕怡軒王志新入二水艤舟

悟溪辛未仲夏題

右刻在柳應辰押字題記之下省府志俱失載筆
意仿山谷當是宋刻但有干支而無號年系於宋

代最後之辛未爲度宗咸淳七年是年元建國號
矣

文子璋題名

高一尺三寸七分廣九寸六分四
行行七字字徑一寸五分許正書

東蜀文子璋時望甲子冬曾遊辛未夏攝守重來眉山
劉天奇少穎偕行

右正書四行刻景定王

原誤鴻孫題名之上字劣金
作黃

審

右文子璋題名在中興頌左側通志失載

咸淳殘題名

高一尺二寸五分廣六寸五分
存三行行人字字徑一寸許正書

訪漫郎宅携子庭瑞庭玉庭桂咸淳

辛未八後磨

右咸淳辛未殘題名在文子璋詩前前後二行俱磨

滅僅存此二行可辨前人未見

古泉山館金石文編

案此刻在柳明明心押之左正在吏字起筆處

金石審

右刻在嚴應卯題名之右瞿氏以爲文子璋詩前非也首行第六字似應末行第三字似日姑缺之漫郎宅在浯溪東久改爲寺輿地紀勝云中宮禪寺本元次山故居又案元初有張庭瑞爲潭州路總管此題名者疑姓張也

唐復題名

咸淳七年九月九日

草編已載

康生

康作康字
不可識

右唐復題名正書六行在摩崖右崖下浯溪新志蔣

棟琴軒四字誤作蔣康琴三字真正誤作真玉

古泉
山館

金石
文編

案真玉省志誤作真正

永州
府志

右刻在押字下左右上真下實是玉字右旁一點

極為明晰縣志亦作玉棟誤作康并脫軒字又案

通志職官甯宗朝有唐復為衡陽尉係零陵人非

即此題名之唐復也

趙次翁題名

高一尺五寸廣一尺三寸五
行行六字字徑二寸許分書

東都趙次翁歲壬午中春中澣挈家之官融水□□師

庭師□後俱磨滅

右趙次翁題名八分書在摩崖壁間漫漶不全止存

四行似宋人手筆也前人未見古泉山館金石文編

右刻首稱東都當是宋刻融水今廣西柳州融縣

地也齊置義熙郡隋改郡爲融州縣爲義熙大業

初廢郡唐初復置融州融水郡改縣名融水此融

水之名所自昉也五代時郡廢宋大觀初復置融

州融水郡清遠軍旋復罷郡此刻當在大觀以後

非紹興卅二年之壬午卽嘉定十五年之壬午也

此後壬午則宋已亡矣師庭二字志誤作而遊下

師字亦未審出四行末似是懿字

方尹等題名

高一尺六寸五分廣六寸一行六字字徑三寸許分書

方尹范子位同

下缺

右方尹等題名前未見

江無口衡嶽詞

高四尺廣三尺五寸四分詞八行行十三字字徑二寸餘跋小字十一行

行約四十二字俱正書

使節行秋筭天也知公風力長肅

罷煙雲盡捲口口

口口重九漢峯

黃泛酒五更泰岳口觀日問揚公

去後有誰口口朝集

大華

□□□□今古□□陳蹟甚

牛山□□□□□□

□□□□嫌□

惕薄高懷□□□□□□黃

鶴

□□□□相識

□□江無□

衡

□□□□□□地自

古

名流□□□□勝不知其幾雲

藏露隱不得而□□□□□□□□□□乙亥

□秋□□□□□□□□中丞先生□臺下登舟越一

日抵衡山舍舟而涂□□□□□□□□下湖□識銓德觀

侍

□使□□竣事庚申謁

昭□祠□□

□□□□□□封□□也□□□□□□□□宿

宵林閣夜將半天宇開□萬象森羅起而視之不覺

東方之既白□□□□□□□□□□□□□□□□

□□□天光□燭雲翳收□俯瞰重湖千里一色七

十二峯瞭然在目□□□□□□□□□□□□□□

□□□□□□□□□部使呼酒浮菊□茶□談□□而

還□□□峯□□□□□□□□□□□□□□□□_下輪九

日登岫嶂峯□□□以紀歲月翼朝□□□□□回車

□_下叔父先生提節湖湘澄清□道誠足以□□□

威足以□□□□_下衡嶽之詩見之猶足□□來世□

□□□□□□□□□以□□_下先生遊親睹其感格天地□

□□□□□□□□□□□□□□□□_下謹刻此以印

證其實云是歲日南至

下

右江無□詞刻前人未見詞爲觀日出作是衡嶽事其從子刻於浯溪年月僅見乙亥庚申字末由定其何時筆意是蘇黃一派南宋刻也

張表題名

高一尺一寸廣一尺六寸六行行四字五字字徑一寸六七分行書

臨淮張表挈家來遊覽回崖下
拓暮歸縣宇男延世壻

趙之奇侍行

右刻行書六行極似山谷老人南宋人筆也其稱歸

縣必爲令尉者而官表失徵

金石

右張表題名通志不載永志拓誤作晚

社菴黃言

詩高二尺六寸五分廣二尺詩六行行十字十一字字徑二寸許款一行小

書字正

蜀道于今似奕棊要令一着安危朝廷獨選李曾伯
勲業當如郭子儀

雖扼咽喉間猶脉得良鑒平成報
重讀磨崖字碑

三山社菴黃言

詩跋殘刻高一尺七寸八分廣一尺五寸存八行行九字字徑一寸三四分正書

以人而傳余讀唐崖天齊之句遐睎遠想

眺知其得重其地且傳

則其子孫補□□數^上文端□□□□增前人^上者^缺

輒留二絕因以勉之^上□□茂先^下

右詩跋殘刻中有子孫補□云云又有文端字疑

是留筠詩後題跋之語茂先疑是人名錄以俟攷

詩僅見兩行惟一邊字為清晰字較大又案紹聖

年有張茂先為永州郡倅未識是其人否

九岩詩刻^{高一尺六寸廣二尺一寸十一行行字不}

行書

曉九岩邊鴛鴦自在眠圓荷浮簇、翠葆靜泊、

足三春雨^{清和四月}天庭空無一事真樂付詩篇九

岩卽事

風送鍾聲隨晚照
雨添竹色薦新涼
闌干□影水波靜
簾捲杯深荷度香

九岩亭同臧子雲□□卽事書贈

右刻在嘉定甲戌張某詞刻之下方向爲泥土擁蔽今甲戌始搽得之亦宋刻也無撰人名以後詩題語證之前詩當卽臧作臧子雲或卽張某所稱之臧餘庾耶詩後尙有小真書十餘行蓋卽此詩跋語當有年月及作詩人名惜曼患已甚不能成讀首行有開罪字作此詩者其亦遷謫之臣歟九

岩亭無攷永志建置亦不載

盧何深題名

二行行九字字徑寸許正書在陳從古詩刻之右下角

丁丑歲上元後六日盧何深偕京兆史文勝觀

姜虎題名

三行行五字字徑寸餘在陳從古詩刻韻字之下方

當塗姜虎巨仲携男焱孫長文振文題

廖應瑞題名

二行行九字十一字字徑七分正書在鍾典嗣詩刻之左下角

庚午暮春八日臨江廖應瑞來遊浯溪刻石爲記

廖應瑞詩

高一尺七寸廣四寸三行行字不齊字徑寸許行書

蒼崖古剎夾清泉中有元郎幾百年策杖摩挲看不足

壯懷惆悵大江邊庚午暮□廖應瑞謾筆

書刻俱率甲戌秋始搜得之上二刻均題庚午疑是咸淳六年

題字五刻

唐亭磴道

高一尺四寸二分廣一尺二寸一行四字字徑六寸正書

唐亭銘

高一尺四寸廣六寸一行三字字徑四寸正書在唐亭銘下石上

浯溪銘

高九寸廣四寸餘一行三字字徑三寸正書在浯溪銘下小石山

巖臺

高七寸廣一尺二寸五分橫列二字字徑五寸許正書在摩崖巖亭旁

石門

高一尺七寸廣九寸一行二字字徑八分許正書

於何君元錫齋見所拓磨厓大字有云唐亭磴道者

有云唐亭銘者驗其筆蹤似唐人所題

潛研室跋尾續

在東厓下石上字大一尺五寸案元次山浯溪銘

有山開石門之句則石門二字當是唐以前刻

古泉山館

金石文編

石門二字徑一尺旁有元字不能定其爲元祐元符

也

金石審

右刻字均不甚大非卽錢瞿兩先生所見者然筆法穩厚決非宋以後人所爲唐亭磴道嶧臺兩刻與熙甯年柳公臺筆意惟肖石門旁元字未見尙有鏡石二篆字局一磬三字則不古矣

萃編卷一百三十二載浯溪詩詞刻四段卷一百

三十六載浯溪題記十九段茲搜得一百四十一

段又補正十四段凡一百五十五段尙有未得者

徐彥君題記孫適三絕堂記碑蔣世基述夢記此

佚刻已嘉祐八年詩刻此刻爲大樹壓掩職方員外郎施某

題名治平劉芾題名元豐黃庭堅書陶靖節詩此

佚久何安世題名宣和年疑郎山范成大詩乾道癸巳刻

佚已牟希元題名嘉定趙某題名嘉定八年疑郎嘉

佚一婁續祖詩紹定李日新題名端平趙孟疏題名

咸淳昭趙崇□等題名叔權殘題名佚名殘詩刻

凡十七段統計浯溪宋刻共一百八十一段而未

見記載者未必無遺佚焉

八瓊室金石補正卷九十三終

八瓊室金石補正卷九十四

太倉陸增祥撰

男 繼輝校錄

吳興劉承幹覆校

宋十三

昭慶寺夢筆橋記

去邊高五尺廣三尺一寸廿一行行四十八字字徑六分正書額高一尺一寸廣一尺二寸五分三行行三字字徑二寸許題越州蕭山縣夢筆橋記九字篆書在蕭山越州蕭山縣昭慶寺夢筆橋記

承奉郎守大常寺奉禮郎簽署蘇州觀察判官廳公事葉清臣撰

昔者昭明綴集里巷開于東府子雲著書亭□揭于西
蜀席前脩之能事崇近古之殊稱此賢者所以飛令聲
布嘉躋也若夫經星著象牽牛列于關梁周官冬職司
險達于川澤觀天根而庀事聽輿謀而順圖此作者所
以啓上功廣成務也其或流風可挹遂泯滅而無聞陳
迹有基忽廢墜而不舉斯亦平津之館永歎於屈鰲宛
邱之道深譏於單于者已濶河之東偏會稽焉右郡伯
禹啓書而興夏勾踐保楯而霸越青巖交映佳山水之
秀奇茂林森蔚美竹箭之滋殖地方百里者八而蕭山
居其一焉縣目伽藍者五而昭慶第爲甲焉夢筆橋者

乃直寺門絕河流而建之也初齊建元中左衛江公歸
依法乘脫略塵境捨所居宅爲大福田則斯橋之興與
寺偕始其賦名索義亦繇此物也自會昌流禍池臺是
傾平之愴大中和造土木極文繡之華唯造舟之制曠
日不復物豈終否有時而傾天厯紀號之二年冬十有
二月

隴西李君以廷尉許實宰是邑君明習吏事詳練理體
牽絲訟牒至必連最批卻導窾居多餘地其始至也去
害吏撫察民激揚積弊懣振紘領越明年政以凝民用
甯訟無留牘漁不改夜於是成法視文奏以暇刻起

墮圯位署必葺邑居惟新一日周爰井疆鋪觀圖籍感
輝子之能誌惜二氏之窟微且懼乎褻裳厲深爲斯民
病漸帷涉難貽來者羞乃諭居僧俾募信施其坐堂上
之客必得邑中之豪寺僧智明利真有邦德成有章自
南同與是謀式幹斯蠱三四佛之攸種咸植善根百千
金之所直悉歸寶塔府帑不費里旅不煩山虞致木而
叢倚郢人運斤而風集經始不日而功用有成晴虹倚
空而半環浮鼉跨波而欲度雕楹蠱而端聳鉤楯繚而
橫絕肩摩轂擊控夷路而下馳飛艤鳴鴈貫清流而直
逝以材之豐羨稽工之簡隙又作駐楫亭于橋之北洙

艇子兩槳足以憇行者之勤傳車一□可以勞□□之
集旻知創橋以表寺先賢之遺懿益光由亭而視橋□
人之用心兼至建一物而二美具故君子謂

李君爲能若乃度羣迷超彼岸演竺乾之筏喻從善
政均大惠易國僑之輶濟又豈止題柱伸馬卿之志墮
履紀黃石之書臨清水以締材徒言呂母架渭河而建
利止號崔公而已哉

李君謂予春秋之流可
謹歲月之實折簡馳問託辭傳信愧無馬遷之善敘聊
傳邱明之新作云爾時

巨宋天聖四年春三月甲申日記

東越吳

則之書并篆額

錢塘趙世明鐫

文林郎守縣尉兼主簿王式

儒林郎行縣尉兼主簿宋昌期

朝奉郎行大理評事知縣事飛騎尉李宋卿

景祐五年冬十一月旣望承奉郎守大理寺丞知縣事苗振重立

右蕭山縣昭慶寺夢筆橋記在縣城覺苑寺宋初寺名昭慶後改爲覺苑也相傳寺爲江淹故宅橋在寺門外故有夢筆之名記文爲太常寺奉禮郎簽署蘇州觀察判官廳公事葉清臣撰宋史本傳云簽書蘇

州觀察判官事蓋治平以後史臣避英宗嫌名改署
爲書兩京兆小學規碑亦有大理寺丞簽署觀察判
官廳公事李縉名碑不稱大宋而稱巨宋與它刻異
潛研堂金石
文跋尾續

右碑在蕭山縣按嘉泰會稽志蕭山縣有江淹故宅
今爲覺苑寺寺前有夢筆驛亦以文通得名讀此文
知北宋已有是說毛奇齡蕭山縣志刊誤厯駁文通
未嘗至越累千百言以爲江總捨宅爲寺是也通志
從之李君以善政之暇繕寺築橋又有駐楫亭傳車
之舉可謂惠而知政體克副清臣之椽筆矣隴西李

君卽後題名李宋卿也

兩浙金石志

右夢筆橋記在蕭山碑形似圭周圍刻花紋頗精
葉清臣撰吳則之書天聖四年上石景祐五年苗
振重立重立一行字體與全碑同出一手是不特
重立并重書矣潛研堂目不言景祐重立者或所
見本失拓末行耳宋史葉清臣字道卿吳郡長洲
人天聖二年擢高第授奉禮郎簽書蘇州觀察判
官還爲光祿寺丞集賢校理通判太平知秀州觀
此碑結銜知天聖四年尙未遷光祿丞也景祐五
年卽寶元元年是年十一月戊寅始改寶元青田

石門洞有苗振題名當卽其人彼題但有辛卯紀
年而無建元據此可定爲皇祐三年第十六行一
字下似封又似對未可臆定兩浙金石志錄此文
啓上功上誤土而昭慶第爲甲焉第誤寺一日周
爰井疆日誤月僧智明明誤朋艇子兩槩艇字闕
子誤乎徒言呂母母誤毋後題名脫儒林郎行縣
尉兼主簿宋昌期十二字

左千牛衛將軍衛廷諤妻徐氏墓誌

高一尺八寸廣二尺一寸廿行行

廿三字字徑六分正書在孟縣

大宋

左千牛衛將軍

衛君夫人高平縣君墓誌銘

隴西李之才撰

夫人姓徐

錢

塘人父啓當錢氏王吳越以勤廉事忠懿

王爲

問門祇候

王以土入

朝國官並隨詣

京

師君因也

里中不願更仕就

歸于家夫人旣筭從河東

衛君諱廷諱有

才略

□□

歷官

至左

千

牛衛將軍夫人

封高平縣君子五人

異

爲右

班

殿直升

鼎

觀賁皆舉進

士千牛府君歿夫人守家

嚴

謹□人

性

溫順語言動止

率有儀法入門幾六十年爲婦爲母無毫釐差失

諸子

有勵學之專者雖竊喜而又

慰

其勞每見其食則食待

其寢則寢其慈愛之厚至此景祐五年春

□□□□

御試

不利既黜且以兩經禮部進名則以州長史處之觀實

預之不顧出有相謂者曰子母老何愧易褐以怡其心

觀明日反有就意夫人聞之亟支奴以慰之

且少率爲名進士無効庸

常

以冗名自

耳

遂

笑語撫之過其有得

孫

是觀益聞於人夫人既

事日有常數外則與諸孫十餘人爲戲自娛

其處內晏然甚於貴富家是年秋寢

疾

月餘八月十日

卒於河陽之所居年七十四以寶元二年八月十三日

祔千牛府君

於孟

州西北二十里號北號原觀才而最

孝之才其友也故爲之作銘銘曰天材有位子藝有名

宜哉夫人以享其榮

此石於今縣城西二十里東窑邨出土其東爲號村
卽誌所謂北號原可見宋時縣在河干矣 是文爲
李挺之先生之才撰深宜愛重 此宋衛君廷諤夫
人徐氏墓誌其陽卽衛君墓誌字尤剝落馮敏昌并
識 此三則刻碑
文空處分書

是誌爲乾隆五十四年馮魚山先生輯孟縣志時訪
出金石萃編成於嘉慶十年凡孟志所載古碑如北
魏司馬氏墓志四種皆已採入且備錄馮跋不知何
以獨遺此誌萃編又載有衛廷諤墓志但云近年出

土而未言其得自何所魚山跋有其卽衛君墓志語亦似不知廷諤自有墓志者二誌書葬期皆以寶元二年八月十三日蓋同日入土葬合而誌分也其中敘五子之名曰巽淑鼎觀賁鼎早卒七字則石文全泐据廷諤誌補入撰文之李之才青社人受陳搏种放易於穆修邵雍傳其學見宋史儒林傳

古誌石華

右左千牛衛將軍衛廷諤妻徐氏墓誌訪碑錄作高氏蓋以高平字而誤也是志摩泐已甚古誌石華載有此文以拓本對勘之舛譌不少而不可辨之處仍賴以補注於旁譌者改之疑者闕之較爲

審慎矣子五人下石華率補七字謬誤尤甚第二
子名升石華作淑者非五子皆以卦命名也萃編
載衛廷諤墓志亦作淑審定此志知彼志亦升字
而非淑矣廷諤志卽在此志之陽今嵌置壁內非
毀垣不得而拓石華載廷諤志補萃編之闕九十
餘字而其書不盡可信未敢据以校錄魚山跋云
其陽卽衛君墓志石華未見陽字輒疑魚山不知
廷諤之有志獨不思無此陽字則字尤剝落句將
何所指邪甲戌六月伊臣甥爲予拓致之越三月
伊臣又錄寄孟縣志所載之文知魚山亦有誤處

復以拓本校勘如後而補注十字於旁 父啓啓
誤作裕祇候候誤作錢里中里誤作土就歸誤作
壽終勵學勵誤作勤奴以慰止誤作報以書云繇
作用晏然晏誤作外於孟誤作葬於

郭氏鐵錢款識

十二棱六棱有字字
徑寸五六分正書

慶曆二年七月二十一日治坊主人郭大父大盟郭秀
書字人郭密會□康□□溫薛題

右鐵錢未詳所在據拓本錢□十二棱六棱有題
款卅四字陽文溫上所缺似遂財二字之反書者

鑄爲郭氏所鑄卽以郭氏題之

王素題名

高一尺八寸四分廣八寸四分三
行行字不一字徑二寸許正書

天章閣待制王素過此慶祿乙酉五月六日題

右刻未詳所在王素史有傳字仲儀太尉旦之季
子署銜天章閣待制以傳核之在淮南轉運按察
使之前其在汴中歟

修九子母記

方一尺九寸五分廿三行行
廿一廿二字行書在扶風

法門寺重修九子母記

儒林郎守軋州司理參軍張 真撰

夫九子母學浮圖氏者言之在異趣矣始則憑負恠力
突戾慈忍泊大雄氏示現威德攝以正道故力殫氣沮
神弗克競而旋能服義畏威降志下體慄然歸順逮夫
能仁之教流被震旦嚴祠善刹充滿天下故存其像貌
儼列左右蓋錄其背邪鄉正之道亦足尊尙矣法門寺
東廊下有故像一堂以其子孫衆多耆舊傳云寡續乏
後者苟蠲禪精禱則身枝蕃茂而席其福然年禩窳久
堂宇傾圯雖有陳形獎質亦不克副瞻仰者之恭畏也
景祐丙子歲里人試匠簿鉅鹿魏德宣與同閭人清河

房君有鄰武威奉職安君名相與建置再議裝緝時屬
西夏跋扈邊鄙興師供億頗勞故不果蚤就其志迨今
年五月中方畢其事續塑一新其母則慈柔婉約且麗
且淑_端然處中視諸子如有撫育之態其子則有裸而
携者有襪而負者有因戲而欲啼者有被責而含怒者
有迷藏而相失者有羈午牽衣而爭恩者二人焉有膝
冠服膺而夾侍者二人焉擁戀連闌天姿駸冶不可得
而談悉非施者之心專勤匠氏之功精妙亦不能允臻
其極□□君子之肇意也以家鐘餘慶業茂素封惟茲
有後未□兢兢因相爲祝寅罄迺功未及終咸遂其

應噫神道冥味昭感之績信未可誣爽不佞辱見請文
其事讓不獲已因取聊序其大略云爾時慶厯五年閏
五月一日記院主僧廣隨進士魏戡書塑人王澤畫
人任文德

真身塔主兼都修造主正辯大師賜紫法能立石
勾管本殿僧廣嚴張遵刻字

按法門寺重修九子母記張爽筆甚雅潔魏戡書仿
右軍張遵刻石尤爲北宋能手如記所狀卽王塑任
畫亦各精妙惜東廊故像無復舊觀矣記稱議修於
景祐丙子畢事於慶厯五年相距十稔仁宗景祐初

西夏元昊繼立取瓜沙肅州有地萬里僭號入寇故
云西夏跋扈邊鄙興師迫慶厓中韓范宣撫陝西元
昊上表內附秦鳳無事像教觀成卽一隅修廢之端
可知世故與政治之得失焉魏戡訪碑錄誤作戡金石
續編

碑裂爲二微有虧損家鐘餘慶鐘鍾古通未口兢
兢卽詩螽斯羽說說字詩皇華說說征夫國語晉
語韓詩外傳說苑奉使均作莘莘文選七發莘莘
將將高唐賦縱縱莘莘俱用詩字高唐賦注云莘
字或作兢是兢兢卽莘莘亦卽說說其字又作舜

見釋文說說征夫又作佚見楚辭注有莘氏呂覽
本味作佚注讀曰莘說又作牲詩牲牲其鹿疏牲
卽說字字又作葉郭輔碑葉葉昆嗣莘之變體亦
卽說字也

羣玉山題刻十段

在零陵

僧憶華題名

高一尺五寸廣一尺一寸五分四
行行五字字徑一寸七八分正書

大宋慶厯六年丙戌歲三月十二日開山僧憶華記

右刻前人未見湖南通志永州府志均失載

解舜卿等題名

高一尺九寸廣一尺五寸五分五行
行五字字徑二寸八分正書左行

解舜卿梁宏董乾粹馮立周均劉湛治平二壘清明

一日同游

潘景純張

左行後缺 在上題名之下

右正書兩方在中山亭側潘景純熙甯時郡守蓋續

題者

留雲龕金石審

通志失載永志誤馮爲馬璽作年下四字是另一

刻而不全者卽附於此

李士燮等題名

高二尺一寸廣一尺六寸五分七行行九字字徑一寸五分正書

都官郎中知零陵郡事李士燮和叔

下職方員外郎通

判郡事柳應辰明明

下

熙甯八年乙卯十二月十一日臘同遊火星巖次遊

朝陽巖

右正書七行在中山亭亭舊在羣玉山之背今惟崖石而已 案宋史禮志建隆初以戌日爲臘三年有司議以戌日爲臘前七日辛卯行蜡和峴奏言蜡臘也不宜異日卒從之是月蓋十一日逢戌也

留雲龔金石審

通志於卷尾校補作火星巖題名

魏子師等題名

高一尺七寸廣一尺九寸五分五行行五字字徑二寸四五分正書

壽春魏子師臨川王叔弼嘉泰癸亥孟冬廿有五日同來

正書四行在羣玉山背

留雲龔金石審

通志於卷尾校補作火星巖題名永州志作拱秀亭題名跋云四行誤癸亥爲嘉泰三年

趙與泳題詩

高二尺四寸廣一尺六寸十行行十四字字徑寸許前四行低四格較小正書

偶侍

下空

郡侯□遊羣玉浪吟二絕聊記歲月皆淳祐乙巳菊節前一日郡佐趙與泳題

玲瓏奇石繞林間屈曲高低未易攀非斧斤誰運巧偏來琢就此蓬山

右一

此景元來已不凡高人那更脫塵寰清幽爽塏舒情思頓賞無非吏事閒

右二

行楷書十行案宋史宗室世系表秦王九世孫有與
詠此刻水旁必史文刻誤也

留雲龕
金石審

通志失載永志脫皆字缺菊節前一四字乙巳爲
淳祐五年

文有年題詩

高三尺二寸五分廣三尺一寸八分十
四行行十四字後二行低四格字徑一

寸五分

正書

朗吟曉過瀟江曲錦色平鋪亂川綠翠屏突兀一千尋
獨立高岡展遐矚不知威鳳何處鳴但見燭龍初出浴
神仙洞府寄山阿中有寒泉鏘佩玉仰看峭拔俯漣漪
似與幽人隔塵俗漫郎好事破天荒此意吾儕當陸續

右朝陽巖空下

零陵舊有舜遺風玉帛充庭萬國同
留得琮璜滿空谷更將鼗磬貯當中
款款躋攀緩緩歸約圓徒御勿相隨
鱗皴夾道皆千尺祇聽松風亦自奇

右羣玉山

空下

景定甲子劭農日郡從事眉山文有年

通志失載永志浴作谷陸作繼琮作珠均誤甲子
爲景定五年

王熊等題名

高二尺二寸廣一尺五寸五行行十字末行十一字字徑二寸許正書

三山王熊祥甫昌元崔天覺道夫廬陵周士模叔規京
兆胡興祖隆父京兆楊益孫直翁瀘南李泰孫伯和岢

咸淳丙寅菊節前同登

右正書五行近中山亭其間殘碑沒字者甚多

留雲金

石審

通志失載丙寅爲咸淳二年

趙與訕等題名

高一尺八寸廣一尺七寸五分
六行行八字字徑二寸許正書

合沙趙與訕仁甫廬陵趙若訥文重長沙周起宗子高

古洪趙時演德綸廬陵王國望介圭宋咸淳四年閏正

月廿九日同遊

正書五行與訕秦王德芳九世孫若訥則魏王廷美

三子穎川郡王德彝之九世孫也

留雲金
金石審

通志校補於卷尾作火星巖題名沙誤刻作少季
作年永志亦然

題字二種

群玉山

三字一行字
徑一尺許

石壁刻羣玉山三字大一

元作二誤

尺爲宋朝人書

湖南通志

零陵縣志

田山玉記

群玉亭

三字一行字
徑八寸五分

右正書直勝疑與羣玉山三字皆董居誼所書

留雲金

審石

右羣玉山題刻十段據永州府志所載尙有元祐

聞安愷等題名一刻未得拓本案湖南通志羣玉山在縣西南河西二里山石皆白故名永州府志云由零虛山後西南過小岡白石纍纍羅布岡下曰羣玉山距河以西二里石上刻詩記甚多今多沒於叢棘不可辨然則古人遺蹟當不止是也按羅未及湮沒待時耳梁宏字巨卿零陵令臨江人董乾粹字承君零陵掾廬陵人均見朝陽淡巖諸題名周均零陵尉亦見淡巖題名解舜卿列梁宏之上當是府寮馮定介董周之間當是縣簿劉湛疑亦官屬而志乘職官皆不見其名潘景純字和

叔李士燮柳應辰趙與泳文有年均屢見周士模
胡興祖楊益孫亦見浯溪題名楊益孫楊履順之
子也胡興祖彼署寶峰與此稱京兆不同趙時演
王國望亦見火星巖題名

麓臺山聖俱寺殘碑

石斷損高存五尺餘至三尺餘不等廣存三尺九寸
存廿行行存字不一字徑一寸五分正書在平遙縣
東冀郭村

大宋西河郡麓臺山聖俱寺碑銘

并序

朝奉郎守秘書省著作

失拓

朝奉郎太常博士通判

失拓

慶厯六年春二月西河郡麓臺山聖俱寺發徒千人徬

大石出鄖陵之市失拓山者四十載邦人宜之遠人化之

榛木滋茂虺蠹不螫王侯臣人董于晉失拓殿且叩其無

名之旨荅曰大方造物摠持萬變立爲日月駕爲雲雷

四失拓之爲至善鼓之爲大和不識不知而天下歸心焉

者至德之妙也是故失拓爽然太息待若惇友真游密

諦日用闡益久之狼還舊廬勞不得謝上下缺夕宸遊如

有所寤翌日恩詔護還故山自時厥後堂構逾熾雖物

有夷下缺律意漸乎舊澤之化也始真骨之來也邦鄉留

愛龕于大室期諸不朽下缺以歸藏之先時其師曰從

常敬 天扉得所謂藏經者五千餘軸歸下勞而成煌

焉煥焉始繇開元之初迄于今而寺之績用具凝矣下

我天帝之御極也國夷同歸塞門不掩邊俗寧以稽人

豐功歲時晏下韃寶贄布于進下扶服涕泣咸欲悔闕

息死誓遵 王路俛乎其若下說者多能作為文章綯

鏤金石不吳不敖以播之無窮今也豐碑未下觀妙之

境雖春秋之徒褒之可也銘曰下空

大方流形 品物挺生 雷動風行 萬下達人示

教 啓迪羣靈 沈心濯情 百下猗嗟達士 來

我中都 道敷宸扆下 麓山蒼蒼 汾水湯

不條有枚

下缺

慶厯六年五月二十二日建

後失拓尚有半旁字蹟可見

碑既斷折拓又多遺所見止此耳山西通志載此碑於平遙第二行著作下有佐郎知并州太谷七字第三行通判下有石州軍州兼管六字

婺州題名碑記

高廣未計上截記十八行行九字下五截題名十八行行字不一正書篆額題題名記三字在金華

□□□□□□□□保有更厯五代□□

國朝太平興國三季錢氏納其土□

朝廷始以閩象知節度軍云距今六十有九季來爲州

者三十有四人其人之賢不賢其政之譴不譴前此者
未可知也後此者可知也然則何如曰賢人譴政在民
不在吏不賢人不譴政在吏不在民自象而下可知也
自詠而下雖百世可知也來者得不念之哉故悉書其
官氏名于石時慶厯丙戌歲立冬日領郡事關詠記

第一
截

閻象

興國三年六月
以殿中丞知

張獻可

六年四月以
秘書丞知

張鑑

六年十二月以左贊
善大夫知加著作郎

商致周

雍熙二年四月以殿
中丞知加國子博士

徐繼崇

端拱元年四月以國子博士知

薛智周

淳化元年七月以侍御史知

刁衍

二年四月以殿中丞知加國子博士

馬伋

五年十二月以太子中允知加太常丞尉

陳靖

至道二年十一月以工部員外郎口史館知

樂和

咸平二年三月以司封員外郎知

楊坦

五年二月以屯田員外郎知

趙沂

景德元年四月以太常博士知

馬驤

二年十月以都官員外郎知

張庶凝

三年八月以太常丞直史館知

劉益祥符元年三月以侍御史知改職方

李朝三年四月以職方員外郎知改屯田郎中

安德興五年八月以職方員外郎知

許載七年四月以屯田員外郎知

右弟
二載

鄭天益九年四月以屯田員外郎知

辛若冲天禧二年四月以虞部員外郎知

吳植四年七月以屯田員外郎知加職方

周歸正乾興元年四月以職方員外郎知

查拱之天聖元年三月以屯田郎中知

舒雄

三年四月以都官郎中知改職方

唐寯

五年四月以屯田員外郎知

魏昭度

七年九月以駕部員外郎知

皇甫泌

十年四月以屯田員外郎知改職方

劉滋

景祐元年四月以都官員外郎知改職方

林洙

二年十月以駕部員外郎知

晁宗簡

三年九月以都官員外郎知

淳于全

景祐四年八月以虞部員外郎知

賈守訥

寶元元年八月以國子博士知

張倣

康定元年八月以太常少卿知

戚斌舉慶厯元年十一月以比部員外郎知改駕部

關詠四年五月以都官員外郎知改職方

花尹六年十一月以比部郎中知

右弟三載

陸廣口年三月以度支員外郎集賢校理知

趙溫瑜皇祐二年四月以司農少卿知改光祿少卿

林洙四年四月以將作監知

余良孺至和元年四月以司勳郎中知改衛尉少卿

張子立至和三年四月以光祿少卿知改少府監

盧革嘉祐三年四月以職方員外郎知

孫奕

嘉祐五年四月以駕部員外郎知改虞部郎中

徐仲謀

嘉祐七年四月以屯田郎中知八年五月加都官郎中十二月加職方郎中移知湖州

章峴

治平元年十二月以都官郎中知二年六月加職方郎中

周復

治平三年二月以都官郎中知四年二月加職方郎中

馮絜已

熙寧元年二月以職方郎中知

錢藻

熙寧三年四月以司封外郎秘閣校理知

蘇頌

熙寧五年二月以工部郎中知六年正月移知亳州

辛汝賢

熙寧六年四月以比部口口郎中知

衛淇

熙寧八年四月以都官郎中知

徐總

熙寧十年四月五日以太常少卿知五月二十日勅移福建路提刑

鍾離景伯 十年九月以庫部郎中

蘇耽 元豐三年四月二十二日以屯田郎中
知四年十一月二十二日改朝散大夫

右弟
四載

范子明 六年四月二十二日
以朝請大夫知

燕若拙 八年四月二十三日
以朝議大夫知

王彭 元祐二年四月二十日
六日以朝議大夫知

朱服 元祐三年七月以左承議郎直
龍圖閣知在任改左朝奉郎

張壽 元祐五年七月以右朝請
郎知在任改右朝奉大夫

李皇臣 元祐七年七月以
左朝奉大夫知

唐穀 紹聖元年七月
以朝奉大夫知

謝履

紹聖三年十月以朝奉大夫知

孫載

元符元年十一月三日以朝奉大夫知
於二年十二月二十日移充河東運判

畢從周

元符三年四月十七日
以朝散大夫知

林可

崇甯二年四月二十九日以朝奉大夫
知十月八日就差管句杭州洞霄宮

陳知存

崇甯三年四月十六日以朝散郎知於四年七
月二十七日召赴三省口口口州路提刑

施結

崇甯四年十二月二十日以朝散大夫知於
大觀元年閏十月初八日授勅改知吉州

周秩

大觀元年十二月初七日以朝散大夫知
於二年正月初三日授勅改知河陽孟州

詹適

大觀二年三月十四日以朝請大夫知政和
元年五月二十七日授勅管句杭州洞霄宮

許幾

政和元年五月二十七日授口密直學士河北都運
閣待制知六月十二日授口

呂淙

政和元年九月一日以朝散郎
知三年四月十九日知明州

素灼政和三年閏四月二十七日以朝奉郎知

右弟
五載

劉安上政和五年六月□□□□
散郎充徽猷閣□□□□

徐散元政和六年四月□□□□
九月初八日名赴□□□□

黃特和□□□□
元年七月□□□□□□□□

許德之朝奉郎□□□□
□□□□□□□□

宣和三年正月二十七日□□
衛大夫

楊應誠□□□□
宣和三年□□□□□□□□

右弟
六載

婺州題名記關詠撰正書慶厯丙戌立冬日題名自

太平興國二年閏象至開詠凡三十五人續題者自

慶厯花尹至宣和楊應誠又四十三人在金華府

研

堂目

資州北巖題刻十三段

在資州

國子博士趙立等題名

高一尺五寸廣一尺八寸九行行字不一字徑寸餘正書

國子博士趙立奉

帝命典是郡行香

資陽知縣殿丞

賈公

護戎殿直

石全

則

蓮幕判官郭友

直

馬鋪奉職王詢

駐泊大使王暹同

時慶厯六年歲在

缺

□寺

□□左街

缺

殘泐處据三巴香古志補

成都馮介等題名

高一尺九寸廣三尺二寸七分十行行六字字徑二寸五分正書

成都馮介中立建安楊景脩敬道富順李又淵源甫開

封翟約遵度熙寧十年人日同遊蜚具食于北巖晚飲

於虹霓閣迴書于巖上以著歲月云

三槐王正叔等題名

高二尺一寸廣一尺七寸五行行八字字徑三寸許行楷書

三槐王正叔率普慈趙彥藩玉牒從道戎熒楊迪簡會

飯于此紹興己卯仲夏二十有八日書

劉子式等題名

高二尺九寸廣一尺四寸四行行字不一字徑二寸五分餘正書

劉子式周邦基謝信道孫公權李元章齊元粹黃修已

右七人乾道三年三月中辭來

基香古志誤作琪

開封李善持等題名

高二尺六寸廣一尺二寸三行行七字字徑二寸餘正書

開封李善持拉公孫元度李元佐以乾道戊子中元日

徠游男延譽侍

戊子為乾道四年

子中殘刻

高一尺四十五分廣一尺三寸六行行六七字字徑一寸五六分正書

前缺父挾琴相值崑空人靜琴韻琅然徜徉終日不知此

身在塵

篆

中也乾道辛

卯

三月既望子中

口

右方為俗吏磨去

武信馮運之等題名高二尺八寸廣二尺三寸二分
七行行八九字字徑二寸五分

許正書

淳熙戊戌立秋後四日武信馮運之普慈趙文炳都人

何全鼎趙衡父來飲北崑之清音是日暴雨初霽飛泉

雹落羽觴蒲引人境俱清臨歸書壁尙後會之可再

張能應題名高四尺四寸五分廣七寸
一行八字字徑五寸分書

張猷應來淳熙戊戌

三巴香古誌列岑公洞謨

洺國程公垕等君子泉詩二紙各高一尺四寸廣一
尺一寸五分一行字徑

寸餘一七行字徑一寸二三分行又
上石人名一行行字均不一行草書

巨靈撐起匹摩天落雹跳珠雷線穿喚得蘇黃爲前祓
不輸雲夢澤南泉

君是何年踊茶龕老禪壁立不重參三生石上精魂在
擬向巖頭借一菴

右洺國程公厚以淳熙十四年十一月廿七日宿資
中北巖寺

長老演公汲君子泉打茗享□黃岡通守治舍有泉
東坡以君子命之賴濱記之山谷賦之故云同來者
公謹公退

右一

半壁蒼崖巧障天上方樓閣白雲穿僧言巖雷起人死
政恐難消一滴泉

凌雲弥勒昔同龕也許靈巖作小參清對老禪寒徹曉
霜鍾上遶石頭菴

公謹次韻

住山宗演命工鐫

石右一

三嵎陳咸等題名 高三尺六寸廣九寸三行行十七八字字徑二寸餘正書

三嵎陳咸既更創二亭未解印前一日 攜 晉慈馬熙

怡徠眎其成新江油史君楊熹 命同飲岳下酌山雲

人去男寅 侍歲 壬戌題于此

陳咸宋史有傳字逢儒光宗時人此壬戌蓋嘉泰二年也使作史猶存古意

法官成煥文題名高一尺七寸廣八寸三行行七八字字徑一寸七分正書左行

普慈法官成煥文嘉泰癸亥孟冬□□憲檄至

滄陽趙少魏等題名高九寸廣六寸六分三行行六七字字徑一寸五分許正書

滄陽趙少魏同弟少崔少郭以壬戌小春叁日來

石溪莊元契四至記高一尺四寸廣二尺九寸廿行長短字數均不一字徑寸許

正書
左行

石溪莊元契四至□記

東接故劉廣地隔小溪至賴孤池頭為界

南接羅九男□地位賴蒲界向東北溪池□面山爲界

西北接翁男白土池隔溪爲

缺

東北接故李先地蒲內江岸

缺

又東接白土池蒲溪爲

界

南接故張簡地蒲溪坑

缺

西接故梁忠地蒲三溪□

缺

德池直至山亞石大

缺

北接故梁英子蒲

缺約四字

下

上直至卧

□

缺約五字

墓

義分石溪庄界畔

缺約三字

文雅

□

缺

面對面亞頭多士梁

□□收佃地界

一

大路向西從烏標□□曲邱增爲界

二

四增至多際增去水中心至亞頭下梁□增□去中心
□至公梁□進從亞下從山脚至羅際十字增接多際
豆達山脚上從□九_缺□至羊□豆脚界從羊政□進
脚□

北巖有嘉泰二年施山田記此刻蓋在其時村落
有名增者它處未見字多譌俗賴即賴亞當即凸
或即埡字惟接作接爲近古

八瓊室金石補正卷九十四終